



Inatsisartuni ilaasortaq Aqqaluaq Biilmann Egede, Inuit Ataqtigiiit
/maani

Kalaallit Airports A/S pillugu § 37 naapertorlugu apeqquteqaammut 2019-297-imut akissut

10-09-2019
Suliaq nr.: 2019 - 19126
Id nr. 44264576

Asasara Aqqaluaq B. Egede

Inatsisartut suleriaasianni § 37 naapertorlugu Kalaallit Airports A/S pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

1. Naalakkersuisut KAIR A/S-ip ataani mittarfiit sanaartorneqarnissaannut neqeroortitsinerup ingerlanneqarnera inernalu malinnaaffigisimavaat?

Akissut: Nuummi aamma Ilulissani nunanit tamalaanit mittarfiit kiisalu Qaortumi nunap immikkoortuani mittarfiup sananeqarnissaannut, ingerlanneqarnissaannut aningaasalersorneqarnissaannullu killiliussatut piumasaqaatit pillugit Inatsisartut inatsisaata nr. 4, 22. november 2018-imeersup akuersissutigineqarnerani Inatsisartut Kalaallit Airports A/S mittarfiliortiternissamut piginnaatippaat. Paasissutissanik amerlanerusunik pissarserusuttoqarpat www.kair.gl alakkarlugu tusagassiorfinnut nalunaarutit assigiinngitsut innersuussutigissavakka.

2. A. Apeqqut 1 aappiuppat – Qanga Naalakkersuisunit tamanna ingerlanneqarsimava? B. Apeqqut 1 naamiuppat – Sooq Naalakkersuisut taamaaliorsimangillat?

Akissut: Paasissutissiisarnerit malillugit Naalakkersuisut suliat siumukarneri pillugit ingerlaavartumik ilisimatinneqartarput, taakkulu aamma tamanut ammasumik saqqummiunneqartarput. Paasissutissanik amerlanerusunik pissarserusuttoqarpat www.kair.gl alakkarlugu tusagassiorfinnut nalunaarutit assigiinngitsut innersuussutigissavakka.

3. Inatsisartut Aningaasaqarnermut Akileraartarnermullu Ataatsimiitsitaliaata mittarfissat sanaartorneqarnissaannut neqeroortitsinerup inerner paasiumasimallugu avammut oqariartuuteqarnikuupput. Inatsisartut sinnerlugit taamatut piumasaqarneq timitalerniarlugu Naalakkersuisut KAIR A/S-imut neqeroortitsinerup inerner piumallugu iliuseqarsimappat?

Akissut: Taanna pillugu § 37 naapertorlugu apeqquteqaammut nr. 2019-258-imut akissuteqaatiga innersuussutigissavara. Tassunga allanik ilassutissaqanngilanga.

4. A. Apeqqut 3 aappiuppat – Tamanna qanga Naalakkersuisunit suliarineqarsimava?

B. Apeqqut 3 naamiuppat – Sooq Naalakkersuisut piumasarineqartoq naammassisimangilaat?

Akissut: Apeqqut 3-mut akissut takuuk.

5. Tusagassiorfitsigut aamma uppersarneqartumik KAIR A/S Inatsisartut Aningaasaqarnermut Akileraartarnermullu Ataatsimiititaliaanut Nuummiit Københavnimut suliariumannittussarsiuussinerit naammassineqarlutik atsioqatigiissutiginnissaannut nuussinini tunngavilersorsimavaa pilersaarusiornermut angallanermullu tunngasuteqartunik. Kingusinnerusukkulli KAIR A/S-ip pisortaanerata, aviisimi Sermitsiaq nr. 33 16. August 2019-imi saqqummersumi atsioqatigiinnissap nuunneqarnera politikikkut toqqissisimangitsoqarneranik patsiseqartoq oqaatigalugu. Inuiaat kalaallit sinnerlugit qinikkat, pissutsit nunallu aqunneqarnerata pitsaasuunissaannik sinaakkusiisarlutillu nakkutiginnittussat; inuiaat kalaallit suliffeqarfiutaanniit taamatut eqqunngitsumik pissusilersorfigineqarnerat akuersarneqarsinnaanngilaq. KAIR A/S-ip aammalumi piginnittut sinnerlugit akisussaasut Naalakkersuisut qaqagukkut eqqortumik oqariartortarneranik apeqquusiinnaanngortitsimmat. Taamak inuiaqatigiinnut Inatsisartunullu eqqunngitsumik paasissutissiineq kiap akisussaaffigivaa?

Akissut: Isumaqatigiissutip atsiorneqarnera Kalaallit Airports International A/S aamma Munck Gruppen A/S-ip iluminni susassaqafigaat, ingerlatseqatigiiffiillu namminneerlutik suliasatik aqqqissuussinnaavaat.

Naggasiutigalugu allagaq "Aningaasaqarnermut Ataatsimiititaliap allagaanut oqaaseqaatii", www.kair.gl aqutigalugu tamanut ammasumik saqqumiunneqartoq, pissutsinut tunngavigineqartunut, matuma siuliani apeqqutigineqartunut annertunerusumik paasissutissiiviusoq innersuussutigissavara. Inatsisartut Aningaasaqarnermut Akileraartarnermullu Ataatsimiititaliaat suliaq pillugu ilisimatinneqareerpoq.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Karl Frederik Danielsen